

Ўзбекистон ҳукумати Исломга қаттиқ адоватда ва табиийки, “Ҳизб ут – Таҳрир”га ҳам ашаддий душмандир

Ўзбекистон золим режими бошқарувчиси президент Каримов Исломга ва Исломга чақирувчи ҳар қандай даъватчиларга қаршидир. Унинг бундай душманлиги бугун пайдо бўлиб қолгани йўқ. Чунки унинг Исломга қарши адовати ўтган асрнинг 90 – йилларидан буён давом этиб келаётганини гувоҳи бўлмоқдамиз. Яъни ушбу минтақада “Ҳизб ут – Таҳрир” фаолият юргиза бошлаган вақтлардаёқ очиқ сезилиб келган. Ўша даврларда, “Ҳизб ут – Таҳрир” ўз фаолиятини олиб борар экан, золим Каримов Ҳизб йигит ва қизларини кенг кўламда қамашни бошлади. Бундай қамашлар ҳозиргача тўхтатмагани ва Каримов қамоқларига ташланган Ҳизб аъзоларининг сони 8 мингга етиб қолгани ҳаммага маълум. Албатта, Каримов “Ҳизб ут – Таҳрир”га нисбатан, унинг сиёсий ҳизб эканини ва ушбу Ҳизб ҳеч қандай моддий ҳаракатлар билан шуғулланмаслигини билган ҳолида қаршилик қилиб келмоқда. Диктатор Каримов буни яхши билади, лекин унинг Исломга нисбатан шахсий адовати, қалбидаги ғарази уни Ислом ва Исломга чақирувчиларни қаттиқ ёмон кўришга, уларга қарши бор имконияти билан курашишга ундади. Хусусан, агар даъват сиёсий йўналишда бўлса, унга қарши жуда қаттиқ тарзда душманлик қилди.

Золим Каримов адолатли дин бўлган Ислом даъватчиларини қамоқларга ташлаш, турли азоблар бериш билан кифояланиб қолмасдан, қўл остидаги бошқарув режимида хизмат қилувчиларни ҳам Исломга чақирувчиларга қарши қонунларни кучайтиришни буюрди. Натижада Исломга даъват қилиш айби билан айбланганларга бериладиган қамоқ муддатлари узайтирилган ҳолда 15, 10, 7, 5 йилларга озодликдан маҳрум қилиш ҳукмлари бериладиган бўлди. Ва бундан ташқари жуда катта миқдорда жарималар солинди. Қамоқларда муддатлари тугаганларни эса, озодликка чиқармасдан, “Ҳизб”га қарши

курашишга рози бўлишга мажбурламоқда, фақат шундагина камокдан чиқариши мумкинлигини, агар рози бўлмаса жазо муддатини янада узайтириб, қўшимча жазо қўшиб қўйишини айтмоқда. Бундай хоинликка рози бўлувчилар топилавермаганидан кейин, жазо муддати тугаб қолган мусулмонлардан озодликка чиқиб, “Ҳизб” ишларига қайтмаслик ҳақида тилхатлар ёзишга мажбурламоқда. Лекин бундай тилхат ёзадиганлар ҳам деярли йўқ дейиш мумкин. Ана шунинг учун ушбу режим қамокларидан Ислом даъватчилари, хусусан “Ҳизб ут – Таҳрир” йигит ва қизларининг озодликка чиқарилиши жуда камдан кам учрайдиган бир ҳолат бўлиб қолди.

Золим Каримов бу кўринишдаги қамоклар ва қамок муддатлари тугаганидан кейин ҳам, қўшимча муддат қўшиб қўйишлар билан чекланмади. Балки, ўзининг қамокхоналардаги нозирларига буюриш орқали, мусулмонларни қамокдалик ҳолатларида ҳам, турли азоблар, инсон чидай олмайдиган даражадаги қийноқлар бериш, бундай зулмлардан баъзиларини айтиб ўтадиган бўлсак, намоз ўқишни хоҳлаган маҳбусни намоз ўқишдан бутунлай ман қилиш ва агар намоз ўқиса қаттиқ жазолаш, мусулмонларга, хусусан “Ҳизб ут – Таҳрир” йигит ва қизларига мажбуран, таналарига тузалмайдиган оғир касалликларни юктириш, эмлаш каби зулмлар билан, ўзининг мусулмонларга нисбатан қанчалик душман эканини кўрсатиб келмоқда.

Каримов тинимсиз равишда мусулмонларни қамокқа ташламоқда, ана шундай мусулмонлардан 70 нафарини шу яқин кунлар ичида ўз зиндонларига ташлади. Улардан баъзиларини, “Ҳизб ут – Таҳрир” Исломий – сиёсий партиясига аъзоликда айбланиб қамалганларининг номларини санаб ўтамиз:

1. Марғилон шаҳридан, Қувасой шаҳар ҳоким ўринбосари Нодир исмли йигит, 1981 – йили туғилган – 3 йилга озодликдан маҳрум этилди.
2. Олтиариқ туман Ғазначилик бўлинмаси бошлиғи Ҳайдаров Мирзаолим Имяминович, 1979 – йили туғилган – 6 йил.

3. Вилоят Назорат Тафтиш Бошқармаси (КРУ) назоратчи тафтишчиси (ревизор) Эргашев Азизбек Ғуломович, 1983 – йили туғилган – 6 йил.
4. Олтиариқ туман Иқтисод коллежи ўқитувчиси Абдурахмонов Аҳрор Муҳаммаджонович, 1986 – йили туғилган – 6 йил.
5. Олтиариқ тумани Қизилтепа санаториясида фармацевт бўлиб ишловчи Илҳомжон исмли йигит, 1975 – йили туғилган – 10 йил.
6. Санъаткор оиласи фарзанди Мўминов Азизбек, 1989 – йили туғилган – 10 йил.
7. Маиший хизмат ходими Раҳмонов Азимжон, 1992 – йили туғилган – 6 йил.
8. Тадбиркор Мирзараҳмонов Абдужаббор Абдулхамидович, 1991 – йили туғилган – 5 йил.
9. Маиший хизмат ходими Мамаризаев Абдумўмин Муҳаммаджонович, 1985 – йили туғилган – 6 йил.
10. Маиший хизмат ходими Мамаризаев Алишер Муҳаммаджонович, 1991 – йили туғилган – 10 йил.
11. Хунарманд уста Бобоев Баҳриддин Бахтиёрович, 1985 – йили туғилган – 14 йил. Ёлғиз тартибда судланган.
12. Уч фарзанднинг онаси, (мутахассислиги мактабгача таълим муассасаси тарбиячиси) Умарқулова Зумрад Эсажон кизи, 1974 – йили туғилган – 6 йил.
13. Тадбиркор Хотамжон ўғли Неъматилло, 1991 – йили туғилган – 1.5 йил шартли меҳнат жазоси ва катта миқдорда жарима.
14. Қувасой шаҳар хоким ўринбосарининг ҳайдовчиси – катта миқдорда жарима.

Эй мусулмонлар!

Кўриб турибсизки, бугунги кунда дунёнинг деярли ҳамма ерида Каримов ва унга ўхшаган давлат раҳбарлари, Исломга нисбатан очик душманлик қилмоқдалар ва бу ишларини “террорга қарши кураш” деб изоҳламоқдалар. Ва яна, соф Исломий ақида асосидаги хаётга, Халифалик давлатини тиклашга чақираётганларнинг ҳар қандай даъватни бутун оламга хавф, деб жар солмоқдалар. Бунинг учун турли келишувлар, шартномалар ва коалициялар тузишмоқда.

Аллоҳ Таъоло айтади:

يُرِيدُونَ أَنْ يُطْفِئُوا نُورَ اللَّهِ بِأَفْوَهِهِمْ وَيَأْبَى اللَّهُ إِلَّا أَنْ يُتِمَّ نُورَهُ وَلَوْ كَرِهَ الْكَافِرُونَ * هُوَ الَّذِي
أَرْسَلَ رَسُولَهُ بِالْهُدَىٰ وَدِينِ الْحَقِّ لِيُظْهِرَهُ عَلَى الدِّينِ كُلِّهِ وَلَوْ كَرِهَ الْمُشْرِكُونَ

“Улар (кофирлар) оғизлари билан Аллоҳнинг нурини ўчирмоқчи бўладилар, лекин агарчи кофирлар ёқтирмасалар ҳам, Аллоҳ ўзининг нурини тамомига етказишдан бошқа ҳар қандай ишдан бош тортади (яъни бу ишни албатта охирига етказди). У (Аллоҳ) агарчи мушриклар ёқтирмаса ҳам, Ўз Росулини ҳидоят ва ҳақ дин билан ҳамма диндан устун қилиш учун юборган зотдир”. (Тавба. 32)

Шунинг учун, эй Ўзбекистон мусулмонлари! Дунёнинг қаерида бўлсангиз ҳам, куфрнинг бундай зулм ва макрларидан кўрқманг, чунки Аллоҳ сизлар билан биргадир. Албатта, тез кунларда Ислом нури оламга таралади, агарчи буни кофирлар ёқтирмасалар ҳам. Албатта, Ислом дунёдаги барча динлар ва мабдалар устидан, шу жумладан, хозирги кунда дунёнинг аксар давлатлари қабул қилган капиталистик мабда устидан ҳам ғолиб бўлади. Бу кун тез келишини Аллоҳдан сўраб қоламиз!

Агар Исломга қаршилик қилаётган мазкур золим Ислом душманлари Ислом динининг бошқарув тузуми бўлиб хаётга келиши оламларга раҳмат эканлигини билганларида эди, улар бундай қаттиқ адоват қилмаган, Ислом нурини ўчиришга ҳаракат қилмаган бўлар эдилар. Аллоҳ Таъоло айтади:

وَمَا أَرْسَلْنَاكَ إِلَّا رَحْمَةً لِّلْعَالَمِينَ

“Биз сизни фақат оламларга раҳмат қилиб юбордик”. (Анбиё. 107)

Исломга қарши курашаётганлар Аллоҳ Таъолонинг қуйидаги оятида айтилганларга мос тушадилар:

قُلْ هَلْ نُنَبِّئُكُمْ بِالْأَخْسَرِينَ أَعْمَالًا * الَّذِينَ ضَلَّ سَعْيُهُمْ فِي الْحَيَاةِ الدُّنْيَا وَهُمْ يَحْسَبُونَ أَنَّهُمْ يُحْسِنُونَ صُنْعًا

“Сиз: “Сизга амаллари юзасидан энг зиёнкорларнинг хабарини берайми? Улар бу дунё ҳаётидаёқ сайъи-ҳаракатлари ботил бўлган, ўзлари эса, гўзал иш қиляпман, деб ҳисоблайдиганлардир”, деб айтинг”. (Қаҳф. 103, 104)

Ғарб ва шарқ оламида кўплаб ақлли инсонлар, ўзларининг ота боболаридан қолган фикрларга бўйсунмасдан, Исломни соғлом ақллари билан ўрганиб кўрганлари Исломга инсоф билдириб, ушбу динга кирмоқдалар, бу ишлари билан улар ўзларига инсофли бўлдилар. Шундай кунлар келадики, ҳозирда Исломга қаттиқ душманлик қилаётганлар, ушбу дин ўз нусратига эришиб, илоҳий мабдаси билан, ҳақиқий адолати билан жамиятни бошқаришини, ушбу жамиятда яшаб кўрганларида, албатта, бу динни эътироф қиладилар ва унга кирадилар.

Каримов дунёдаги мусулмонларнинг, хусусан Ўзбекистондаги мусулмонларнинг Исломга бўлган муҳаббатини, Исломий ҳаётда яшашга бўлган иштиёқини кўриб ҳис қилди ва бу уни қаттиқ ғазаблантирди, бу диндан қаттиқ кўрқа бошлади. Лекин у бу кўрқинчини яширди ва мусулмон олимлари унинг тарафида қолиши учун, ўзини мусулмон уламоларига яқиндек кўрсатди. Унинг бундай ҳийласига учмаган олимларни эса, турли тухматлар билан қамоқларига ташлади, турли азобларни берди, хатто баъзиларини ўлдиртириб юборди. Унинг бундай зулмларида унга бўйсуниб, унинг курашларига шерик бўлганларгина омонда бўлмоқдалар. Лекин қамоқлар, қийноқлар ёки ўлдиришлар инсонларнинг Исломий қаноатларини ўзгартира

оладими? Йўқ албатта! Баъзи олимлар ўзларининг хоҳиш истакларига қарши тарзда сукут сақлашга мажбур бўлишмоқда. Қалбларида эса, бундай зулм ва золимларни ўзгартириш истаги туғён урмоқда. Ушбу истак уларнинг яқинлари, қўшнилари ва танишларининг қалбларида аламли оғриққа айланмоқда. Ушбу алам улардан бутун шаҳарларга, мусулмонлар оммасига ўтмоқда. Биз кўриб турибмизки, “Ҳизб ут – Таҳрир” йигит-қизлари ва бошқа холис Исломий ҳаракатлар аъзолари ҳам, золимларнинг зулмларига чиройли сабр билан жавоб бермоқдалар. Ва албатта, Аллоҳнинг нусратига аниқ ишонган ва унга эришиш учун курашаётган мўъминларнинг сафида турибдилар.

إِنَّا لَنَنْصُرُ رُسُلَنَا وَالَّذِينَ آمَنُوا فِي الْحَيَاةِ الدُّنْيَا وَيَوْمَ يَقُومُ الْأَشْهَادُ

“Албатта, Биз Пайғамбарларимизга ва иймон келтирганларга бу дунё ҳаётида ва гувоҳлар турган кунда ҳам нусрат берурмиз”. (Ғофир. 51)

وقال رسول الله صلى الله عليه وسلم : إِنَّ اللَّهَ زَوَى لِي الْأَرْضَ، فَرَأَيْتُمْ مَشَارِقَهَا وَمَغَارِبَهَا، وَإِنَّ أُمَّتِي سَيَبْلُغُ مُلْكُهَا مَا رُويَ لِي مِنْهَا

Пайғамбар соллаллоҳу алайҳи ва саллам дедилар: **“Аллоҳ менга ерни кўрсатди. Унинг машриқлари ва мағрибларини кўрдим. Ва менга кўрсатилган ерлар умматимнинг мулкига кирганлигини ҳам кўрдим”.** Муслим ривояти.

1436 х.й. 26 – жумодус соний

15.04.2015 м.й

Ҳизб ут – таҳрир, Ўзбекистон.